

Augsburg, 14. April 1566

An Joachim Camerarius d. Ä.

BSB, Clm 10370, Nr. 296.

Clarissimo viro, D. Ioachimo Camerario etc. Domino et amico suo colendo. Leipzig.
 S. Etsi aduentus tuus et mihi et alijs tui amantissimis, cuius nobis spem fecit D. Crato, longè iucundior fuisset: tamen, κατὰ τὸ δεύτερον πλοῦν, etiam literae pergratae fuerunt, post tam diuturnum silentium, è quibus te et viuere et valere, et animo esse alacri, magna cum voluptate intellexi: Etsi (vt sunt humana) γλυκύπικρος tibi reditus Philippi filij fuit, quòd cum eo ferè coniunctum fuisse audio nurus tuae obitum. Liber tuus de vita Melanthonis, ita περιμάχητος est, vt expectandum mihi sit, dum è nondinis adferatur. M. Rulichij conspectus mihi periucundus fuit, etsi valetudine impeditus, conuiuio eius interesse non potui. Et Ioannes Sturmius nudiusquartus subitò, nescio quibus de causis, hinc discessit, sum speraremus, eum ad tuum vsque aduentum apud nos commoraturum. D. Ludouicus Grempius cum legatis Argentinensibus heri aduénit, quod ideo scribo, vt Philippo tuo signifies: ne serius huc veniat. Comitia enim, propter vrgentem Turcicam impressionem, non diu esse duratura, opinio est. In quibus quid agatur, aut actum sit, οἱ πολιτικώτεροι καὶ αὐλυκότεροι vtique ad te perscribunt. Mea omnia vetere loco sunt, et essent acerbiora, nisi patientiae condimento lenirentur. Vale cum omnibus tuis, mequé commendatum habere pergitto. Augustae Vindelicorum, postridiè idus Aprilis. 1566.

Hiero[nymus] Wolfius
 tui studiosissimus.